

ԺԱՄԱՆԱԿԻ ՀԵՏ ՀԱՄԱՔԱՅԼ

Լ. Ս. Գրիգորյան

Գրականության և ժուռնալիստիկայի ամբիոն

Սույն հոդվածում նպատակադրվել ենք համառոտակի ներկայացնել բանաստեղծ Վարդան Հակոբյանի անցած գրական ճանապարհը, դիտարկել ու վերլուծել բանաստեղծություններն ու պոեմները, վերհանել այն բնութագրական գծերը, որ յուրահատուկ են նրա ստեղծագործությանը:

Վ. Հակոբյանը իր ասելիքն ու ասելածներն ունենցողի փստառի քայլով է ոտք գրել պոեզիայի շեմին, մեկը մյուսի ետևից հրապարակ հանելով «Մեղեդիներ» (1970), «Սեր եւ ժպիտ» (1973), «Մայրանում» (1975), «Ծառի անուկից» (1978), «Անմարելի-անմեղեկ» (1981), «Մի կոտնակ անցավ» (1983), «Վաղվա աչքերով» (1987) և մյուս ժողովածուները, որոնք իրենց վրա կրելով ինքնատիպության կնիքը, հասունության մի-մի աստիճան էին բանաստեղծի համար:

Բանաստեղծի ծնունդը առաջիններից մեկը ողջունելով՝ Ժան Անդրյանը գրեց, թե Հակոբյանը համապարփակ ընկալումների բանաստեղծ է, կյանքի երևույթների շուրջը փիլիսոփայելու նախապիտություն ունի: «Այս երևույթը, - անմիջապես ավելացնում է գրաքննադատը, - նրան տանում է դեպի հավասարակշռված բնութագրի մի կողմից բանաստեղծական հայտնություն, մտածողության ու պատկերի թարմ գեղեցկություն, մյուս կողմից՝ խճճվածությունը ու մշուշ ասելիքի եւ ասելածների մեջ»: Այդ մտահոգությունը անտեղի չէր: Երիտասարդ բանաստեղծը՝ լինելով իր ժամանակի ծնունդը, անտարբեր չմնաց գրական այն շարժումից, որ սկզբնավորվեց 1970-ական թվականներին. ասպարեզ եկած բանաստեղծների նոր սերունդը, որին ընդունված էր «գարունականներ» անվանել («Գարուն» ամսագրի անունից, որի շուրջն էին համախմբված նրանք), տարվելով տեխնիկական նորարարությամբ, գնրադասում էր երևույթների և կյանքի առօրյա փաստերի պատճենա-հանումը, ձգտում բանաստեղծական գյուտա-րարության, այլ էներա ասած՝ «հայ բանաստեղծության ծառի նորագման» օտար պատ-վաստով: Պիտի նկատել, որ Վարդան Հակոբյանը, ի տարբերություն իր շատ սերնդակիցների, շուտ թոթափեց նորածնու-թյան փորձերը, գնրադասելով մեր դասական բանաստեղծությունից թխող ձևերը, դառ-նալով, ինչպես իր գրչընկեր Հովհաննես

Գրիգորյանն է նշում, «կանոնիկ ոտանա-վորի հետևորդ»:

Ինչպես յուրաքանչյուր իսկական բա-նաստեղծ՝ Վ. Հակոբյանը նույնպես խորա-պես ըմբռնում է պոեզիայի դերը, ճշմարիտ ներգի, բանաստեղծության արժեքը, այլապես չէր այս՝ «բանաստեղծությունը, որի համար ծնվել է մարդը, դեռ ուշանում է»: Իհարկե, սա խիստ չափազանցված բնորոշում է (իսկ գուցե թե ընդհակառակը՝ նորին մեծություն մարդն է ուշանում..., թե՛ նկատի ունենաք Նարեկագու, Չարենցի, Պ. Սեւակի պոեզի-ան, չխոսելով արդեն համաշխարհային մյուս գրական մեծությունների մասին), այդուամենայնիվ, բանաստեղծի այս խոստովանությունը գալիս է հաստատելու ոչ այլ ինչ, քան նրա՝ բանաստեղծության նկատմամբ ունեցած խորին ակնածանքը, այն ավելի կատարյալ, իր թառեղով՝ «անընդգրկելի ընդգրկման սահմանների» մեջ տնենելու շահագրգռությունը:

Երգն էլ պիտի նրգի պես լինի,
Լինի շոշափող մատների կրակ,
Իսկ օրվա համար՝ նաեւ զարկերակ:

Եվ կամ

Ծիծեռնակի բույնի նման
Մրտի դողով,
Հոգու շողով
Ու հողով է հյուսվում նրզը,
Բայց նրա մեջ
Ծվարում է... տիեզերք:

Բանաստեղծը ձգտում է որսալ ժամանակի ոգին, մխրճվել երևույթների հորձանուտի մեջ, արձագանքել կյանքի առաջադրած բազմաբնույթ հարցադրու-մներին, անկախ այն բանից, թե ինչ է նրգում՝ բնություն՝, հայրենի՝ք, սեփ... Ավելորդ է ասել, որ թեմայի առումով Վարդան Հակոբյանը նորություն չի բերում, նրա նրգերի թեմատիկան նույնն է, ինչ նրգել ու նրգում են բոլոր ժամանակների բանաս-

տեղծները: Եվ դա բնական է, քանի որ, կարելի է ասել, չի փոխվել, նույնն է մնացել բանաստեղծության հիմնական նյութը կամ «օբյեկտը», այսինքն՝ մարդը, կյանքը, աշխարհը... Եվ յուրաքանչյուր բանաստեղծի արժեքները համար, ինչպես մեծն Պարոյր Սեւակը կասեր, չափանիշ պիտի դարձնել ոչ թե այն, թե նա ինչ է երգում, այլ՝ այն, թե նա այդ ինչը ինչպես է երգում: Այս «ինչպես»-ի ամենատառաջին պայմաններն են մեղքը, թերեւս, ժամանակի զգացողությունն է (հիշենք չարենցյան ձեռագիրը), չէ՞ որ, ի տարբերություն բանաստեղծության եւ առհասարակ գրականության ու արվեստի հիմնական նյութի (մարդ, կյանք, աշխարհ), մի այլ՝ ոչ ներդրողական նյութ, ինչպիսին քմահաճ ժամանակն է, անընդհատ շարժման մեջ է գտնվում, անընդմեջ փոփոխվում է: Այն, որ վարդան Հակոբյանը յուրովի է ընկալում եւ յուրովի է մեկնաբանում այս կամ այն երևույթը, ամուսնի ինքնատիպ եզրահանգումներ, ձգտում մոտենալ ժամանակին, բռնել ժամանակի զարկերակը, նրա ստեղծագործության ամենագնահատելի հատկանիշներից մեկն է.

Ժամանակը ձգվում է լարի պես,-
Նվազը նրգ է գտնում իր համար,
Կարկաչն աղբյուր է գտնում իր համար,
Առվակը ձոր է գտնում իր համար,
Իսկ ես մաքառման անունն եմ փնտրում:

Ժամանակը զարկում է սրտի պես,-
Տագնապը սիրտ է գտնում իր համար,
Դողը կարոտ է գտնում իր համար,
Իսկ ես մաքառման անունն եմ փնտրում:

Ժամանակը թռչում է հավթի պես,-
Երկինքը թեւ է գտնում իր համար,
Թախիծը վարդ է գտնում իր համար,
Հողը երագ է գտնում իր համար,
Եվ ես անուն եմ դառնում մաքառման:

Ըստ Հակոբյանի՝ բանաստեղծությունը անհայտի հայտնաբերման հավերժական, շարունակական գործընթացի արտահայտությունն է կոնկրետ ժամանակի մեջ: Ու բանաստեղծի անհանգիստ հոգին մղվում է այդ անհայտի որոնմանը, որը ոչ այն է՝ կա, ոչ այն է՝ չկա: Փոյթ չէ, որ քնարական հերոսը չի գտնում իր փնտրածը, դա նրան չի հիասթափեցնում, ընդհակառակը՝ նա նորից ու նորից է «ճանփա ընկնում», այսինքն, չգտնելով՝ չի ավարտում փնտրտուքը: Եվ հեղինակի համար կարծես թե «ճանաչման

հաճույքը հենց այդ անավարտության մեջ է», «գնալ՝ չհասնելու» մեջ:

«Հակոբյանը աշխարհը թարգմանում է բնությանը», - գրում է Սերգեյ Մարինյանը: Եվ իսկապես, բանաստեղծը հաճախ է դիմում հայրենի եզերքին՝ իբրեւ ստեղծագործական միջոցի, իրեն հուզող այս կամ այն բովանդակությունը արտահայտելու համար: Արցախի գեղատեսիլ բնությունը, ինչ խոսք, շատերին է հուզել, նրա սեզանների, խորունկ ձորերի, պաղպաղուն գետերի գովքն անող բազմաթիվ բանաստեղծություններ են գրվել, սակայն դրանք շատ հաճախ կրում են «պնդաժային» բնույթ: Հակոբյանը ոչ թե նկարագրում է, այլ բնության տեսարաններն ու բնական երևույթները իմաստավորելով, տիպականացնելով, դրանց միջոցով ընթերցողին է հաղորդում իր ապրածն ու զգացածը կամ՝ իր ապրումներն ու զգացմունքները:

Վարդան Հակոբյանի բանաստեղծական ժողովածուներից մեկը «Ծառի անունից» խորագիրն ունի: Ծառի «կերպարին» նա բազմիցս անդրադարձել է հետազայում եւս, դրանով իսկ բնութագրելով մայր ժողովրդի կենսունակությունը, նրա անկապտելի կապը հայրենի հողի հետ: Ահա մի օրինակ.

Թե իր ճյուղերով մոտ է երկնքին,
Ասում ենք՝ վե՞հ է, բարձր է ծառը:
Բայց չե՞նք սխալվում,-
Ուրիշ կլինե՞ր, եթե իմանանք՝
Որքան է ծառը
Իր արմատներով խորացել հողում:

Հեղինակը հաճախ է դիմում նաեւ լույսի (կամ արեւի) «կերպարին», որը փառաբանվում է ինչպես «Մայրանում է լույսը» ժողովածուի էջերում, այնպես էլ նրա մյուս մեծ ու փոքր գործերում՝ իբրեւ ոգեւորության, ավյունի, ուժի կենսաբեր աղբյուր.

Ու բացվող օրը որպես անցագիր՝
Արեւն է պարզում,-
Եվ կամրջվում եմ նրա ոտքի տակ,
Եվ մայրանում է լույսը իմ ներսում:

Այդպես պոետական խորհրդանշաններ են դառնում բնության մյուս երևույթները, որոնց միջոցով էլ բանաստեղծը վրձնում է իր ժամանակի ու ժամանակակիցի դիմանկարը, եւ ընթերցողը նրա պոեզիայում հաճախ է առնչվում լույսի, ջերմության, սիրո, գեղեցկության ծաղաղ մարդուն, նրա

հոգեկան ապրումներին ու փիլիսոփայական ընդհանրացումներին:

Արցախյան ազգային-ազատագրական շարժումը նոր երանգներ հաղորդեց Հակոբյանի ստեղծագործությանը, այն հարստացրեց թարմ հղացումներով, հայրենի եզերքի պատկերը նորովի ուրվագծվեց նրա պոեզիայում, առավել նշանակալի հարցադրումներ երևան եկան՝ առնչված մեր պատմությանը, հայ ժողովրդի արցախյան հատվածի ճակատագրին:

Մեկ-մեկ թվում է՝ Դավիթն եմ, վրաս՝
Քառասուն ջաղացքար,
Ձենով Օհանի ձենն է ինձ հասնում:
Մեկ-մեկ թվում է, թե Ավարայրի
Հողն է ոտքիս տակ,
վարդանանց կռվի ձենն է ինձ հասնում...

Բանաստեղծները, ըստ պոեզիկայան ձեռնկերպումի, ծնվել են «ներշնչանքի համար, սրտագին խոսքի և աղոթքի համար»: Բայց ի՞նչ ներշնչանքի մասին կարող էր խոսք լինել Բաքվի շնչի տակ «Խարատնող» հայաշխարհում: Ահա թե ինչու արցախյան հեղինակները ստիպված էին տասնամյակներ ի վեր ներշնչանքի կենդանի շունչը փոխել շինձու, «օրախնդիր» թեմաներով, և ահա թե ինչու Արցախյան հզոր շարժումից հետո շատ մոտիվներ, և ամենից առաջ հայրենիքի թեման, նոր հնչյնություն ստացան նրանց բանաստեղծական հյուսվածքների և մտահղացումների մեջ, «անարյուն» մոտիվների փոխարեն իշխող դարձան հավատն ու հեռավարի պարզությունը և այլն: Այս ամենը արցախյան բանաստեղծների մեջ առավել չափով իր արտացոլումը գտավ Վարդան Հակոբյանի պոեզիայում՝ հատկապես «Տաճարն Աստծո», «Ապաշխարանք» թանաստեղծական շարքերում և, անշուշտ, նրա պեմներում, որոնք բացում են հեղինակի տաղանդի՝ մինչ այդ կյանքի չէղչված հնարավորությունները:

«Ես հողի մարդ եմ» քնարական պոեմ-մենախոսությունը մի քրտառու ձոն է հողի ու մարդու, տվյալ դեպքում՝ Արցախի և արցախցու մասին, նրանց դաշնության, անբաժանելիության և, ինչու չէ, փոխադարձ սիրո մասին: Քնարական հերոսը, որ անցել է դաժան փորձությունների միջով և որին գուցե թե մայր հողի հանդեպ ունեցած անկաշառ սերն ու նվիրվածությունն են սատարել կրկին տուն դառնալու, այդ տունը կանգուն պահելու, գերբնական Անթեյի նման ոգևորություն և ավյուն է առնում

հողից, պատրաստ անհրաժեշտության դեպքում կրծքով պաշտպանելու այն, կտրել չարի ձեռքը, եթե նա հանդգնի՝ «Լեզնի ձորերս, խլիվ ձորերիս փարված օրերս»... Իր պապերից ժառանգած հողը, սարը, քարն անգամ սուրբ մասունքներ են նրա համար, առանց որոնց անհնարին կլինի իր գոյությունը: Ավելին՝ քնարական հերոսն այն կարծիքին է, թե առանց իրեն էլ նրանց՝ այդ հողի, սարի, քարի գոյությունը կլինի անիմաստ, քանզի ինքը այդ սարի կենս է, այդ քարի կենս է, իսկ կենս առանց մյուս կենսի չի լինում:

Քարերին թե ես ասեմ՝ թոնք,-
Մի վայրկյանի մեջ թեմ կառնեն-թոշնե,
Մարերին ասեմ՝ ինձ հետ քայլեցեք,-
Չեն թողնի խոսքս բերնիցս դուրս գա,
Հանդերին ասեմ՝ կանաչ մնացեք,-
Գորգեր կդառնան իմ ոտքերի տակ:
Ախր նրանց հետ մեկ է իմ ճամփան...

Նույն՝ հայրենի երկրի և ժողովրդի միասնության գաղափարն է ընկած Վարդան Հակոբյանի մյուս պոեմների հենքում, ուր, սակայն, ընդարձակվել են թեմայի շրջանակները, խորացել ընդհանրացումները:

«Համանվագ» պոեմում, ինչպես նախորդում, խոսակորեն գծված որևէ գործողություն չկա, և սյուժետային կառուցվածքի համար հիմք են ծառայում քնարական հերոսի մտորումները իր լեռնաշխարհի անցած՝ արհավիրքներով լի բազմադարյան ճանապարհի մասին: Մտովի իրար կամ-րջելով անցյալն ու ներկան՝ բանաստեղծը փորձում է գտնել հայրենի երկրի հավերժության, մայր ժողովրդի գոյության, կենսունակության նախապայմանը, որն, ըստ հեղինակի, թաքնված է հայոց անկոտրում, անմեռ ոգու մեջ, ազգային-հոգևոր արժեքներում:

Գրեր կան հողին,
Ռոնք չեն ջնջվել անգամ այն պահին,
Երբ արնոտվել են մեր իսկ արյունով,
Ռոնք չեն ջնջվել ոչ մի ժամանակ,
որովհետև մեր քարերն էլ գիր են,
որովհետև մեր ջրերն էլ գիր են
և անգիր գիտեն դասը դալարման,
վերահառնումի,
վերածաղկումի,
վերածննդի...

«Համանվագ»-ի համար բնորոշ է հետևյալ ուժեղ նրկադրը, որը թևավոր խոսքի արժեք է ստանում.

Հնարավոր չէ ինձ հաղթել նրբեր,
Եվ դա չզգալն է պարտությունը հենց:

«Երամականչ» պոեմի հերոսը՝ հարաբերի Արշակը, իրական անձնավորություն է, որի կերպարը հեղինակը գծել է մի առանձին գուրգուրանքով, նրան օժտելով մեր ժողովրդի բնավորությանը հատուկ լավագույն գծերով: Արշակը մեկն է նրանցից, ովքեր սեփական մաշկի վրա զգացել են քսաներորդ դարասկզբին Հային վիճակված ողջ սարսափները՝ ավեր, այրում, գաղթ, հարազատների ու հայրենի տան կորուստ... Այդ ամենը, սակայն, չեն կարողացել նրանից խլել ապրելու, գոյատևելու տենչը: Նրան այլ բան չէր մնում, քան ապրելով վրժ լուծել մեր դարավոր թշնամուց՝ իր ողջ կյանքում կրծքի տակ անթելված պահելով մի նվիրական փափագ, մի սրբատուրբ ուխտ.

Դավիթ-Քնկի ծին հեծնեմ ու գնամ,
Գտնեմ մեր կորած տան-դռան ճամփան...

1992 թվականի գարնանը վերջապես ի կատար է ածվում այդ քաղձանքը. հայոց Շուշիի հետ մեկտեղ գերությունից փրկվում է նաև Հարություն, ինչը, ավել, չտեսված ծնունդին: Պոեմը ընթերցողի մեջ մի ազնիվ հավատ է ներշնչում՝ այն, որ մի օր էլ Տիրոջ Աջի գործությամբ ու օրհնությամբ պիտի բացվեն մեր կորսված մյուս շենքերն ու քաղաքները տանող ճամփաները...

Մեզ պարտադրված Արցախյան պատերազմի մասին շատերն են գրել՝ թե արձակ, թե չափածո: Եվ թուր հեղինակները առավել կամ նվազ հաջողությամբ ձգտել են տալ հաղթանակած ժողովրդի հերոսական պաթոսը, ու գրեթե մոռացվել կամ անտեսվել է պատերազմի իսկական դեմքը, նրա թողած կործանարար հետքը մարդկանց ճակատագրերի վրա: Այս առումով առանձնանում է Վ. Հակոբյանի «Գողգոթա» պոեմը կամ տնսիլ-նովելը, որը սիրո, ցավի, կորստի, նվիրումի մի իսկական համաձուլվածք լինելով հանդերձ, հերոսապատում է միաժամանակ: Ցնցող են իրար հաջորդող տնսիլները, դաժան, բայց եւ ճշմարիտ՝ զինվորի այրու կրակված հոգու անդրադարձները. «Հայր չի մոռնում: Երեկ մենք, որպես ժողովուրդ, միակն ենք, որ չենք մոռնում խաղաղ, տարիքն առած, բնական մահով: Մենք

նահատակվում ենք, մենք զոհվում ենք... Անցնում ենք սրբերի շարքը, եւ դրանով իսկ, սրբանում է մեր հողը: Դրանից է, որ հայոց հողի վրա ծաղիկները քաղցր են լինում ու չթառամող՝ որպես սերը նահատակների»...

«Մաշտոցն Ամարասում» պոեմը մի հաջողված փորձ է գեղարվեստորեն վերարտադրելու եւ իմաստավորելու ամենամեծ Հայի Հայոց Արևելից կողմանց գործունեությունը, որը փաստորեն դուրս էր մնացել հայ գրողների տեսադաշտից: Ինչպես ավանդություն է հուշում, Մեսրոպ Մաշտոցն առաջին դպրոցներից մեկը իյննել է Ամարասում, եւ ահա այս ժլատ փաստը առաջ դարձնելով, միաժամանակ իր ստեղծագործության մեջ բնակեցնելով ուրիշ այլ պատմական դեմքերի (Վարդան Մամիկոնյան եւ այլք), Հակոբյանը շեշտում է այն միտքը, որ հոգևոր ու ֆիզիկական ուժի միասնությամբ միայն կարելի էր դիմակայել այն բազում արհաժիրքներին, որ հայ ժողովուրդը հանդիպել է իր ներկարամյա ճանապարհին.

Ոչ միայն սուրը,
այլ նաեւ գիրը
պետք է վաճառվ մտնի ասպարեզ
եւ լիտի պահել զուգակշռություն:

Բանաստեղծը ոչ առանց օրինական հպարտության՝ փաստում է, որ Մ. Մաշտոցի եւ Վ. Մամիկոնյանի հիշատակը անմեռ է մնացել մեր ժողովրդի սրտում, եւ որ նրանց քաջազնական ոգու վերադարձն էր Արցախյան համազգային շարժումը, որի շնորհիվ ծնկած վիճակից բարձրացավ ազգը հայոց: Ուշագրավ է պոեմի ավարտը.

Ժողովուրդը, որ տառեր է գրում
անգամ իր թրին,
Աշխարհում նրան հաղթող չի լինի,
Առավել եւս՝
Ժողովուրդը այդ չի մնա գերի:

Մեր խնդրից դուրս է այս, ինչպես եւ մյուս պոեմների մանրամասն վերլուծությունը,² կկամենայինք սակայն ընդգծել, որ հանձնս Վարդան Հակոբյանի «Մաշտոցն Ամարասում» պոեմի՝ հայոց մաշտոցապատումը հարստացել է մի նոր էջով:

Խոսելով Հակոբյանի ստեղծագործությունների մասին, Ս.Մարիյանը իրավացիորեն նշում է, որ առ այսօր հայոց արցախապատումի գեղարվեստական չգերազանցված նմուշներ են մնում նրա «Տաճարն Աստծո» վիպերգը եւ «Քրիստոսի

ծաղիկները» ասքը՝ Այս կտավներում նույն-
պես շարունակելով որոնումները՝ գտնելու
համար պատմական ու քաղաքական այն
կարևոր առնչությունները, շնորհիվ որոնց
կանգուն է մնացել Արցախատունը, հե-
ղինակը նոր գույներով է հյուսում հայ մարդու
հոգևոր ու ֆիզիկական մաքառումների
առասպելը, նոր կողմերով բացում հայրենիքի
կերպարը: Հակոբյանի պոետական մտածո-
ղությունը կախված չի տեղավորվում ավան-
դական ձևերի ու հանգների մեջ. ներսում
կուտակումներ տվող նյութը, չհանդուրժելով
չափ ու սահման, ինքնաբերական հոդվում է՝
ստեղծելով մի ուրույն պատմամտճ, չափա-
ծոյի եւ արձակի մի յուրօրինակ սինթեզ:
Բանաստեղծը զարմանալի հմտությամբ
իրար է շաղկապում իհն ու նոր ժամանակ-
ները, տասնյակ ու տասնյակ հնորյա ու
մերօրյա դեպքեր ու դեմքեր, տեղանուններ,
հիշատակարաններ, որոնց միջոցով էլ
«հայտնաբերում է» պատմական ճշմարտու-
թյունը:

Եթե «Քրիստոսի ծաղիկները» նրկի
հիմքում ընկած են նորօրյա իրադարձու-
թյուններ, կոնկրետ՝ արցախահայության
ազգային-ազատագրական պայքարը, որն, ի
դեպ, տրված է իր ողջ մերկությամբ, այսինքն՝
թե լուսավոր ու թե ոչ լուսավոր հետազոծով
հանդերձ, «Տաճարն Աստծո»-ն իր մեջ
խտացնում է Արցախ հայաշխարհի դյուցա-
զնական պատմությունը եւ իր կառուցվածքով
ու գաղափարական բովանդակությամբ ինչ-
ինչ աղբյուրներ ունի մեր ազգային էպոսի հետ:
Պոեմում հեղինակին ուղեկցում է ինչպես
պատմական ճշմարտությունը, այնպես էլ
պատմության զգացողությունը: Անցյալն,
այո, չպիտի սոռանալ, ժողովրդին անհնար է
զրկել հիշողությունից, ընդսմին, անցյալից
պիտի կարողանալ անհրաժեշտ դասեր
քաղել ապագայի համար:

Անցյալն, այո, պիտի ապրել
ու վերապրել,
բայց ներկայի հաշվին՝ նրբեր,
այլապես մենք կկորցնենք,
ձեռքից կտանք եւ ապագան:

Մենք այն կարծիքին ենք, որ Վարդան
Հակոբյանի ստեղծագործությունն, իրավամբ,
իր ուրույն տեղն ունի ժամանակակից հայ
պոեզիայում, հետեւաբար՝ այն արժանի է
գրականագիտական լուրջ ուսումնասիրության:

Վ. Հակոբյանը ստեղծել է բարձրարժեք
բանաստեղծություններ ու պոեմներ, որոնք
հարստացնում են ոչ միայն Արցախի գրական
օջախի հունձը, այլև իրենց նպաստն են բերում
արդի հայ պոեզիայի զարգացմանը: Մեր
պոեզիայում Վ. Հակոբյանը գրավել է իր տեղը
ասելիքի ու ասելածի թարմությամբ, գաղա-
փարական խորությամբ, գեղարվեստական հնա-
րանքների ինքնատիպությամբ: Նա յուրովի է
ընկալում ու մեկնաբանում այս կամ այն նրկայթը,
կատարում հետաքրքիր ընդհանրացումներ,
ձգտում ավելի մոտենալ ներկա օրերին, բռնել
ժամանակի զարկերակը: Հայրենիքի մասին լինի
նրա նրգը, բնության, թե՛ սիրո, նա որոնումների
մեջ է եւ չի բավարարվում ձեռք բերածով,
նգրակացնելով, թե՛ «բանաստեղծությունը, որի
համար ծնվել է մարդը, դեռ ուշանում է»: Այս
պահանջը կրկին ու կրկին հաստատում է, որ
սակարմի վրա է թեկնուց արդեն ճանաչված,
բայց անաղար դեպի արվեստի բարձունքները
ձգտող իսկական, ճշմարիտ բանաստեղծը:

Резюме

Вардан Акобян из писателей, создавших
высокохудожественные стихотворения и поэмы,
которые вносят свою лепту в развитие современ-
ной армянской поэзии. В армянскую поэзию
В.Акобян привнес в свое видение мира, плетящую
глубину, художественной манеры. Он по своему
воспринимает то или иное явление, объясняет его,
делает своеобразные обобщения, стремится быть
еще ближе к сегодняшнему дню, чувствует пульс
времени. Будь его песня о родине, природе и любви,
он в постоянных поисках и не удовлетворяется
достигнутым, подчеркивая, что "поэзия, для кото-
рой родился человек, пока опаздывает". Это тре-
бование еще и еще раз подтверждает мысль, что,
независимо на его признание как поэта, он посто-
янно стремится к высотам поэтического искусства.

Գրականություն

1. Ժան Անդրյան. «Մեր գրական օջախը», Ե., 1979 թ., էջ 130:
2. Նշված պոեմի եւ առհասարակ Վ. Հակոբյանի պոեզիայի մասին տես՝ Ս. Խանյան. «Ցավի եւ սիրո պոեզիա», Մտ., 1991թ.:
3. Տես՝ Վ. Հակոբյան. «Անդրադարձի տնիսիներ», Ե., 2002 թ., էջ 705: